



Ukuhlomisa izingane zethu
ngelikusasa

SS 2

Isihloko sesifundo: Umfanekiso womfelokazi okhulekayo

Umhlahlandlela womzali

Isikole sangeSonto Isikole sasekhaya



Mzali Othandekayo

Uyamukelwa kusifundo: **Umfanekiso womfelokazi okhulekayo**

Lomqulu ukunika umhlahlandlela ofanele wokuba ungasethula kanjani lesi sifundo.

Ungasilungiselela futhi uthule kanjani lesi Sifundo

Nanka amanye amasu ngezansi wokulungiselela nokwethula lesi sifundo:

Isinyathelo	Okufanele ukwenze
1.	Finyelela ku Webhusayithi ye-New Apostolic Church ngokufaka noma ngokuchofaza kusixhumanisi esilandelayo kusuka ku-WhatsApp: https://bit.ly/3NACSSHS
2.	Qoqa lezizinsiza zokufunda ezilandelayo ukuze uqiniseke ukuthi usihlomele lesisifundo: • IBhayibheli • Isifundo ngefomethi ye-PDF esivele silungisiwe • Incwadi yengane yokusebenzela kanye namapensele, amakhilayoni, njll. • I-Vidiyo kiliphi okuyisiza sokufunda esingezekile / isisiza sokufunda ongazikhethela ngokuthanda kwakho • Ikhathekizimu yemibuzo nezimpendulo (Ikakhulukazi kulesisifundo sesiQinisiso). Qaphela: 2.1: Isikhathi esifanele sokuthulwa kwalesisifundo, kungemuva kwenkonzo yangeSonto ekuseni, ngokuhambisana nesikhathi sesikole sangeSonto ukuze kugcinwe inqubo yesikhathi esijwayelekile. 2.2: Uyacelwa ukuba ugcine isifundo sibe mfushane uma kunokwenzeka, khumbula izinga lokunaka kwezingane zethu (gxila esifundweni) - uyazi kangcono ingane yakho! <i>Isikole sangeSonto ngokuvamile asidluli imizuzu engama-45.</i> 2.3: Lesisifundo silungele ibanga le SS 2. 2.4: Uyacelwa uthinte uThisha wakho we SS 2 uma udinga noma yiluphi usizo noma uma udinga ezinye izinsizakufunda kulezi ezingenhla.
3.	Khuleka (bheka umkhuleko osekugcineni kwalomqulu) bese ucela uNkulunkulu ukuba akusebenzise njengethuluzi ukwethula isifundo ngendlela Yena afuna ukuba uthule ngayo.



Fundisa lesisifundo sesikole sangeSonto ekhaya

Ungasilungiselela futhi usifundise kanjani lesisifundo

Siyaqhubeka nokwabelana ngezeluleko ezithile zokuthi ungasilungiselela futhi usifundise kanjani lesisifundo:

Isinyathelo	Okufanele ukwenze
4	Yenza indawo ilungele ukufundisa engenaziphazamiso lapho wena nengane / nezingane nisezingeni elifanayo. Isibonelo: Hlala phansi ocansini noma eduze kwetafula.
5	Funda kulesisifundo. Phinda ufunde futhi isifundo ukuze usiqondisise kahle. Bukela lesisifundo sevidiyo kiliphu ukuze uthole ukuqonda okungcono ngalesisifundo.
6	Zenzele amanothi ngamaphuzu abalulekile ongathanda ukuwakhumbula.
7	Yazi inhloso yalesisifundo ingane yakho okufanele siyikhumbule.
8	Yethula lesisifundo enganeni yakho noma uyifundele lenandaba uma uthanda.
9	Khombisa ingane yakho ividiyo bese uphinde ubuyekeze incazelo yayo.
10	Khombisa ingane yakho umsebenzi okufanele iwenze encwadini yayo yokusebenzela.
11	Khuleka, noma ucele ingane yakho ukuba ikhuleke bese uphetha isifundo.

Izinsiza zokufunda ezitholakalayo mayelana nokufundisela ekhaya.

Nazi ezinye izinsiza zokufunda zokungezelela lesisifundo sibe sezingeni leqophelo:

1. I-WhatsApp. Xoxani ngesifundo se **SS 2** nomunye umndeni osifundayo nawo.
2. Xoxisanani ngesifundo nabanye abazali ukuze uthole ukuchazeleka kahle mayelana nesifundo ngaphambi kokuba sifundiswe.
3. Khululeka ukwenza olwako ucwaningo ukuze uthole ulwazi olungezekile.
4. Khuluma noMxhumanisi wesikole sangeSonto webandla lakho noma uThisha wesiKole abazimisele ukukusiza.



Isifundo

Isihloko	Umfanekiso womfelokazi okhulekayo
Umbhalo weBhayibheli	NgokukaLuka 18: 1-8
Inhloso yesifundo	Izingane zifunda ukuthi kufanele sithandaze ngobuqotho nangokuphikelela ikakhulukazi ukukhulekela ukubuya kweNdodana kaNkulunkulu.

Isifundo esifingqiwe:

- INkosi uJesu yasebenzisa izindaba ukufundisa abafundi baYo izifundo zokomoya, lezi zindaba sizibiza ngokuthi: “imifanekiso” .
- Ngelinye ilanga uJesu wayefuna ukufundisa abafundi baKhe ukuthi kufanele bathandaze njalo futhi bangadangali, ngakho wabatshela umfanekiso womfelokazi owayethandaza.
- UJesu wathi: “Kwakukhona emzini othile umahluleli othile owayengalungile. Wayengamesabi uNkulunkulu futhi engabahloniphi abantu.
- Kulelo dolobha, kwakuhlala owesifazane owayeshonelwe ngumyeni wakhe (ngakho-ke ubizwa ngokuthi umfelokazi). Umfelokazi ompofu waya ejajini ukuyocela usizo. Kwakukhona umuntu owayengalungile owayemsongele, futhi wayefuna ubulungiswa.
- Ijaji (umahluleli) lanqaba ukusiza lomfelokazi ompofu. Lamtshela ukuthi akahambe njengoba wayengenaso isikhathi sakhe.
- Umfelokazi wayephikelela futhi elokhu ebuyela ejajini ukuze athole usizo. Wenqaba ukuyeka.
- Ngemuva kwesikhathi esithile, ijaji lakhathala ngalona wesifazane lase livuma ukumsiza.
- Abafundi bebelalele ngokucophelela. Yabe iNkosi uJesu isukuma, yabheka kubafundi yathi: “Ingabe uNkulunkulu angeke yini abazwele abantu baKhe abakhala kuYe ubusuku nemini becela usizo na? Ngithi kuwe: Yena uzakwahlulela ngokuvumelana nabo, akwenze lokho masinyane.”

Ingabe sisho ukuthini lesisifundo kithina namhlanje na?

- UNkulunkulu uyayizwa imithandazo yethu. Ngamunye yawo.
- Kufanele siqhubeke nokuthandaza futhi singapheli amandla.
- Akufanele nanini sikhathale ukuthandazela ukubuya kukaJesu Kristu.
- UNkulunkulu unikeza lokho okudingekayo ngesikhathi esifanele.
- Ngezinye izikhathi kungabonakala sengathi uNkulunkulu akalaleli, kepha kungenzeka ukuthi uNkulunkulu unecebo ngathi esingalazi.

Lapho sithandaza kufanele siphawule njalo: "Nkosi, sifushanise isikhathi, qedela umsebenzi waKho futhi usithathele ekhaya ngomusa."



Eminye imibuzo esingayibuza:

1. Ingabe yini uJesu ayefuna ukuyifundisa abafundi ngalo mfanekiso na?

Impendulo: Ukuthi kumele bathandaze ngokungaphezi futhi bangalilahli ithemba

2. Ingabe yini okungafanele sikhohlwe ukuyengeza emithandazweni yethu na?

Impendulo: Ukuba uNkulunkulu anciphise isikhathi futhi Yena athumele iNdodana yaKhe ukuba isithathele ekhaya ngomusa.

UMkhuleko kaBaba noMama ngaphambi kwesifundo:

Nkulunkulu othandekayo, ngiyakubonga ngalolusuku

Busisa bonke abazali nezingane

Sengathi singabuzwa ubukhona baKho

Busisa isifundo esizoba naso

Sicela usifundise ukukukhonza

Futhi usisize ukwenza intando yaKho

Ukuze sikhule sisondele kuWe

Thumela uJesu azosilanda

Futhi kwangathi singalungela ukuhlangana naYe

Amen



Notes
